

「不老男神」鄭伊健日前相隔8年舉辦歌迷聚會，與來自世界各地的歌迷共度愉快一晚。席間播出他與粉絲一起成長的片段，伊健看後感動到講不出聲，忍着淚衷心感謝大家支持。



■難得各地歌迷聚首一堂，伊健當然與大家來個大合照。

## 相隔8年搞歌迷聚會

# 回顧同行33年

# 伊健忍淚謝粉絲

「鄭伊健真心同盟國際歌迷會」成立33周年，日前以「久別重逢」為主題舉行聚會，筵開25席，招待約300位來自香港、內地、台灣、日本、韓國和新加坡等各地粉絲。相隔8年再辦歌迷聚會，伊健化身導演及司儀，親自安排表演項目。除了邀請合作無間的音樂監製陳光榮、歌手朱雋言和圈外好友Percy組成期間限定Band表演外，還有陳光榮兒子Aiden演奏大提琴。席間播出粉絲多年來跟伊健經歷的片段，伊健看後非常感動，一度講不出聲，他強忍淚水說：「卅幾年，有啲朋友喺度，有啲移咗民，有啲朋友……大家身體健康！」

### 唔敢着校服表演

伊健問台下粉絲：「其實Fan Club成立咗幾耐？卅幾年咩？多謝大家，原來我哋已經係卅幾年偶像同粉絲嘅關係。」之後他邀請陳光榮出場，並說：「大家記唔得上次Fan Club Party係幾時？當時（2017年）我哋着咗衫表演？幾年前我哋仲可以着校服，依家就……」

伊健一連唱出《隨時候命》、《一起衝一起闖》和《自動勝利Let's Fight》等歌曲，氣氛高漲。當他演唱《Stronger》前表示：「疫情期間好蕭條，要戴口罩出街，有好多嘢唔做得。嗰時我拍咗個廣告，首歌由陳光榮寫，我好鍾意歌詞，鼓勵大家喺低潮時唔好咁易放棄。」之後他與粉絲合照和抽獎，送出簽名藍牙喇叭和海報。



■伊健與陳光榮是多年戰友。

活動尾聲，粉絲意猶未盡嗌Encore，全場大合唱《Together》。


最後伊健宣布好消息：「以前香港唔太重視電影音樂，直至陳光榮出現，《仍能情深愛上》來自《姊妹情深》，仲有《風雲》、《中華英雄》、《極速傳說》，唔止我嘅電影，仲有《無間道》同《頭文字D》都係來自陳光榮。依家好多電子嘢，撇個掣就聽到，好少人會做隻碟留個回憶，佢就係做緊呢件事，今次仲會出黑膠碟，留住今年曾經有一樣嘢出現，感動到大家，記低佢，呢個就係我哋嘅回憶。」



■看見歌迷多年來追隨自己，伊健忍不住眼濕濕。

## 古仔盼保留港片搭景 有助推廣旅遊業

■古天樂將於訪談講足一小時。



《第四十九屆香港國際電影節》昨晚於文化中心舉行開幕典禮，身為電影節的焦點影人古天樂（古仔），將有他主演的10部電影放映，並於本月19日進行一場訪談。他笑言自己未試過講足一小時，最想談及香港電影業的未來。對於港片發展和走勢，他說：「一定要開闢新路向，其實都要睇唔同因素，依家環球經濟唔好，邊有心睇戲！」

提到文化體育及旅遊局局長羅淑佩鼓勵香港電影人多到內地拍戲，古仔表示：「一直都有，都要睇電影本身係咪適合內地取景，如果要搭大景就需要，如果拍溫情片，喺香港拍就得。」不過他指香港地少人多，要找地方拍戲有一定難度，例如《九龍城寨之圍城》搭了整個九龍城寨景，拍完後要拆掉，但內地電影搭景能保留，更成為旅遊景點，有助推廣旅遊業。

## 周國豐認冇畀黃博滿分

周國豐與Hifi天后黃翠珊主理的《好在有朋友》慈善音樂會在演藝學院演出，問周國豐會否獻聲？他笑言：「我唔想打爛飯碗，由黃翠珊唱，我只識畀分，覺得黃翠珊綵排時表現好好，值20分滿分。」提到《中年好聲音3》預告「穿崩」，意外爆黃博在新一輪比賽獲99分，周國豐笑言：「係咪節目組故意宣傳？觀眾好眼利。」黃博欠一分成滿分得主，問周國豐給19分還是20分？他大方承認沒給滿分：「唔想咁快畀滿分，否則參賽者好大壓力，會影響表現！」



■周國豐出名畀分手緊。

## 莫鎮賢開騷懷念李國祥



■莫鎮賢（左）與葉振棠合唱《難為正邪定分界》。

莫鎮賢和葉振棠前晚舉行《超級男聲演唱會》，合唱《難為正邪定分界》為演唱會揭開序幕。擔任嘉賓的湯寶如與莫鎮賢合唱後笑言：「莫Sir話佢入行四十年，我都入咗行卅幾年，期間有出新歌，但係大家好似鍾意舊歌多啲，希望粵語流行歌可以繼續發光發亮。」演唱會尾聲，莫鎮賢談及已故好友李國祥：「原本佢會去我個廣州演唱會，但舊年12月底我搵佢已經冇覆我，後來就知道……我會懷念你！」隨即唱幾句李國祥名曲《總有你鼓勵》，全場報以熱烈掌聲。